

IVANJSKE

Ojdi Iva...



Falen budi Jezuš Kristuš Marijo rož' rumennoj
Dober večer tomu stanu
Tomu stanu gospodaru
Gospodaru gospodijne
Gospodijne i družine
I družine domačice
Domačice i dečice
I dečice i čelice
I po iže se družine
I čelicam čuvaricam
Grličica grkuvala
Grkuvala Ivu zvala
Odi Iva car te zove
V bele dvore i komore
V rano pole na podole, Jezušovo (gosponovo)
Ojdi Iva kral te zove
Kral te zove dar ti daje
Mi smu rano kresuvali
Kresuvali valuvali
Videli smu rane znače

Sto ženačov žejnalo je
Sto vezačov vezalo je
Sto vozičev vozilo je
Sto ajskačev ajskalo je
Sto mlatičev mlatilo je
Sto bičokov pucalo je
Namlatili pune škrijne
Pune škrijne i ambare
Bog pomozi sveti Iva
Dejte dejte kaj imate
Kaj nimate to ne dajte

Mi moramo dale iti
Dale iti se objiti
Ostanete z milem Bogom
Z milem Bogom i Marijom
Fala fala na tom daru
Kaj nam jeste daruvali
Gospodaru... i (svima)

Ivo kosi livadu zeleno



Ivo kosi livadu zeleno, ej!
Ivo kosi livadu zelen'.

Lepi Ivo kres nalaže



Lepi Ivo kres nalaže lepo ime Marijo

Lepi Ivo kres nalaže lepo ime Marijo

Dober denek

Lomica

Po devotjčki



Dober denek mila majko
Mila majko mili čačko
Pomoz Bože tomu dvoru
Tomu dvoru gospodskomu
Gospodaru, gospodijne
Cele iže i družine
Vu ižice družinice
Najbol naše stare majke
Stare majke domarice
Po se iža po se kute
Prebudite svoje čerke
Svoje čerke i divojke
Sveti Ivo kresa kuri
Kak zakuri tak prekriži
Sveti Ivo gorum šeče
Gorum šeče na vodicu
Spod javorka zelenoga
Stanete se divojčice
Leto nam se uletelo
Topli denki odulali
Divojčice i snešice
Donesete ladne vode
Ladne vode spod javorka
Spod javorka zelenoga
Čem poškrople bele dvore
Bele dvore z belem perjem
Belem perjem lebudovem
Lebudovem, paunovem
Sveti Ivo zmed se zbrani
Sveti Ivo budi znami


Dejte dejte kaj nas ide
Sir, pogača pehar vina
Pehar vina dva cekina.
Če nam nebu sega toga
Sega toga ivanjskoga
Mi vam bumu sinka zele
Toga sinka Ivaneka
Tam ga bumu dalko nesle
Pod orešje pod jaboše
Tam ga bumu daruvali
I z oreji z jabukami
Stare čačke s puškicami
A junake sablicami
Stare majke z jabukami
A snešice z iglicami
Devojčice s kiticami
Nemoremu dugo stati
Ojzdek blato do kolena
Kaj su steple šare krave
Šare krave brezi junci
Brezi junci sivi prasci
Sivi prasci vrani kojnci
Vrani kojnci beli voli
Beli voli Ivanovi.
V dvoru bu vam milo stati
Milo stati počivati

Pripjev:

Ti'o j' leto dober je Bog
Ti'o j' leto dober je Bog

Dober denek

Dobranc




Dober denek mila majko,
Mila majko, mili čačko
Pomoz Bože tomu dvoru
Tomu dvoru gospodskomu,
Gospodaru, gospodijne
Cele iže i družine
Sveti Iva kresa kuri
Kak zakuri, tak prekriži.
Sveti Iva gorom šeče,
Gorom šeče na vodicu
Spod javorka zelenoga.
Stanete se divojčice,
Divojčice i snešice!
Leto nam se uletelo,
Topli denki odulali.
Donesete 'ladne vode,
Ladne vode 'spod javorka,
Spod javorka zelenoga
S čem poškrop'te bele dvore,
Bele dvore s belem perjem,
Belem perjem lebudovem,
Lebudovem, pavunovem.
Prebudete svoje čerke
Svoje čerke i divojke,
Naj podoje šare krave,
Naj zbudi ju mlade muže
Naj narane šare vole,
Šare vole, vrane kojne
Če nam ne bu sega toga

Sega toga Ivajnskoga.
Mi vam bumu sinka zele,
Toga sina Ivaneka
Tam' ga bumu dal'ko nesle,
Pod oreše, pod jaboše,
Tam' ga bumu daruvali,
I z oreji, z jabukami.
Stare čačke s puškicami,
A junake sablicami.
Stare majke z jabukami,
A snešice z iglicami.
Divojčice s kiticami.
Dejte, dejte, kaj nas ide
Sir, pogača, baril vina,
Baril vina dva cekina!
Ne moremo dugo stati:
Ojzdek blato do kolena,
Kaj su steple šare krave
Šare krave, brezi junci
Brezi junci, sivi prasci,
Sivi prasci, vrani kojnci
Vrani kojnci, beli voli,
Beli voli Ivanovi.
V' dvoru bu vam milo stati,
Milo stati, počivati.
Sveti Iva kres nalaže,
Kres nalaže, Bog pomaže!

Pripjev:
Ti'o j' leto
Dober je Bog


Hajdmo, pojdmo!



Hajdmo, pojdmo tu ne stojmo ti'o je leto dober nam Bog

Hajdmo, pojdmo...

Mala Gorica




Hajdmo, pojdmo, tu ne stojmo
Široko se orlo vije
Jošček širja troja vrata,
Troja vrata križevata.
Toteh lepo pometeno
De devotka, dvorek mete;
Za jnu ne zna nigdar nigdo,
Samo jeden mladi junak,

Mladi junak lepi Ivo.
S čem ga bumu daruvali?
Daruval vas dragi Jezuš,
Dragi Jezuš i Marija.

Pripjev:
Ti'o je leto,
Dober je Bog.

Oj simo, simo devojke



Oj simo simo devojke, oj Ivo Ivo zelen bor
Simo je naše spravišče de smu se lani spravlale
Veliko čudo gledale de mi igraju brati dva
Jen je ožejnen drugi ne, oženi bratec i mene
S takvom lubum kak je tva, takove lube nigde ne
Oj Ivo Ivo zelen bor.
Do tebe ima devet gor' Oj simo simo divojke.


Šetal se Iva...



Šetal se Iva po zlatnem mostu
Na Ivanu je zlatno znamejne
Soprti šetuje Deva Marija

Na ruka nosi Sinka Jezušā
Krsti mi Iva Sinka Jezušā
Kak bi ga ja Krstil sam sem nekrščen.

Se bi sneje...



Sve bi sneje v igru došle ej Lado Lado ej Ivo Lado

Sve bi sneje v igru došle ej Lado Lado ej Ivo Lado
Se bi sneje i divojke
Ja je moram nadigrati

Se su divojke...



Se su divojke na žarkom kresu ej Lado ter Lado)

Se su divojke na žarkom kresu (ej Lado ter Lado)
Samo nam nima Jano divojke (ej Lado ter Lado)
Puščajte majka Jane divojko (ej Lado ter Lado)

1.

1. Kaj očemu robju dela dati?
Mladem snejam belo platno tkati
A divojkam svilu nabirati
A junakom celine kopati.
2. Kaj očemu robju jesti dati?
Mladem snejam kolača beloga
A divojkam prčke pogačice
A junakom hajdinaša kruva.
3. Vu kaj bumu robje obuvali?
Mlade sneje v čizmice s petami
A divojke vu mevke papuče
A junake v vezove opajnke.
4. Kam očemu robje spati deti?
Mlade sneje vu ladne komorke
A divojke vu mevke postelke
A junake v štale med kojniče.

2.

Kaj se ono na'n kraj brega vija
Jeli vila ali moja mila?
Da je vila v gorice bi bila
Da j'ma mila vuz mene bi bila.
Jel' su snegi al' su lebudovi
Nit su snegi nit' su lebudovi
Neg su ono Ivini šatori.

3.

Kaj se vam oče Lado kaj je nas više
Nami se oče Lado mlade divojke.
Imenujte je Lado z lepem imenom.
Neno je ime Lado Maro divojka
Idi si maro Lado ter si poskoči.
Kaj se...
Nami se oče... mladog junaka.

4.

Nega majka doma zvala
Odi Ivo na večeru
Večerajte ne čakajte
Moga tala ostavljajte
Ja je moram nadigrati
Se junake se divojke.

5.

Šuma plava i zelena trava
Poveč mene za mojega draga
Nisem junak kaj bi ti povedal
Neg sem šuma žirom obrojena
V koje Ivo svijnice žiruje.

6.

A kam bi se rezhajali
Stoprom smu se rezigrali
Na Ivajnsko navečerje
Večerajte nečekaajte
Moga tala ostavljajte.

7.

Bog živi Bog živi se dobre lude
Ki bi radi živeli pak moraju
vmret
Bog poživi se okol Iveka na-
jbol.